

**მონაცემთა ბაზის სერვერის სახელმწიფო შესყიდვისთვის შექმნილი  
სატენდერო კომისიის სხდომის  
ოქმი № 1**

1 აპრილი, 2022 წელი

სხდომას ესწრებოდნენ:

სატენდერო კომისიის თავმჯდომარე: გიორგი ჯიჯეიშვილი

სატენდერო კომისიის წევრები: ვლადიმერ სიჭინავა, დავით კურდღელაიძე, ირაკლი სვანიძე, ნათია ხუჯაძე

სატენდერო კომისიის აპარატის წევრები: ნათია დონდუა, მარიამ ბერკაცაშვილი

**დღის წესრიგი:** ბაზის სერვერის სახელმწიფო შესყიდვის მიზნით ერთეულოვანი ელექტრონული ტენდერის ჩატარების შესახებ, სატენდერო განცხადებისა და ელექტრონულად შევსებული სატენდერო პირობების პროექტის დამტკიცება.

**მოისმინეს:** სატენდერო კომისიის წევრის, დავით კურდღელაიძის გამოსვლა, რომელმაც სხდომას დასამტკიცებლად წარმოუდგინა ერთეულოვანი ელექტრონული ტენდერის ჩატარების შესახებ სატენდერო განცხადებისა და ელექტრონულად შევსებული სატენდერო პირობების პროექტი, რომლის დამტკიცების შემდგომ მოხდება მისი განთავსება სახელმწიფო შესყიდვების ერთიან ელექტრონულ სისტემაში.

შესყიდვის ობიექტის ღირებულების დადგენის მიზნით 4 პოტენციურ მიმწოდებელს ელ. ფოსტის მეშვეობით გაეგზავნა წინასწარი შეთავაზების წარმოდგენის მოთხოვნა, რომელსაც თან დაერთო შესყიდვის ობიექტის ტექნიკური დავალება და განსაფასებელი ფასების ცხრილის ფორმა. ბაზრის კვლევის და პოტენციურ მიმწოდებელთა გამოკითხვის შედეგად მიღებულ იქნა 3 წინადადება. სატენდერო კომისიამ იმსჯელა წარმოდგენილი შემოთავაზებების თაობაზე და მიზანშეწონილად მიიჩნია, შესყიდვის სავარაუდო ღირებულებად განისაზღვროს შემოთავაზებული ფასებიდან უმცირესი, რაც შეადგენს 341900.00 ლარს.

სატენდერო კომისიის თავმჯდომარემ და სატენდერო კომისიის წევრებმა მოიწონეს წარმოდგენილი სატენდერო განცხადებისა და ელექტრონულად შევსებული სატენდერო პირობების პროექტი.

**სატენდერო კომისიამ დაადგინა:**

1. დამტკიცდეს სატენდერო განცხადებისა და ელექტრონულად შევსებული სატენდერო პირობების პროექტის წარმოდგენილი ვარიანტი.
2. დამტკიცების შემდგომ, სატენდერო კომისიის აპარატმა უზრუნველყოს სატენდერო განცხადების ელექტრონულად შევსებული სატენდერო პირობების პროექტის განთავსება სახელმწიფო შესყიდვების ერთიან ელექტრონულ სისტემაში.
3. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის მე-6 მუხლის მე-6 პუნქტის საფუძველზე, სატენდერო კომისიის აპარატს დაევალოს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.
4. სატენდერო კომისიის წინამდებარე საოქმო გადაწყვეტილება შეიძლება გასაჩივრდეს დავების განხილვის საბჭოში, მისი სახელმწიფო შესყიდვების ერთიან ელექტრონულ სისტემაში გამოქვეყნებიდან 10 დღის ვადაში, საჩივრის ამავე სისტემაში წარდგენის გზით, ან წინამდებარე საოქმო გადაწყვეტილების სახელმწიფო შესყიდვების ერთიან ელექტრონულ სისტემაში გამოქვეყნებიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი №64).

**შენიშვნა:** სატენდერო კომისიის სხდომის ოქმზე შესრულებულია კვალიფიციური ელექტრონული ხელმოწერა სატენდერო კომისიის თავმჯდომარის, სატენდერო კომისიისა და სატენდერო კომისიის აპარატის წევრების მიერ.